

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SITA

KIKAO CHA TATU

02 FEBRUARI, 2017



ORODHA YA SHUGHULI ZA LEO

MKUTANO WA SITA

KIKAO CHA TATU – TAREHE 02 FEBRUARI, 2017

I. DUA:

II. HATI ZA KUWASILISHA MEZANI:

OFISI YA WAZIRI MKUU:

Taarifa za Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (i) Toleo Na. 44 la tarehe 21/10/2016
- (ii) Toleo Na. 45 la tarehe 28/10/2016
- (iii) Toleo Na. 46 la tarehe 04/11/2016
- (iv) Toleo Na. 47 la tarehe 11/11/2016
- (v) Toleo Na. 48 la tarehe 18/11/2016
- (vi) Toleo Na. 49 la tarehe 25/11/2016
- (vii) Toleo Na. 50 la tarehe 02/12/2016
- (viii) Toleo Na. 51 la tarehe 09/12/2016
- (ix) Toleo Na. 52 la tarehe 16/12/2016
- (x) Toleo Na. 53 la tarehe 23/12/2016
- (xi) Toleo Na. 54 la tarehe 30/12/2016
- (xii) Toleo Na. 01 la tarehe 06/01/2017
- (xiii) Toleo Na. 03 la tarehe 20/01/2017

III. MASWALI KWA WAZIRI MKUU:

IV. MASWALI YA KAWAIDA:

OFISI YA WAZIRI MKUU:

31. MHESHIMIWA STELLA ALEX IKUPA (VITI MAALUM):

Atamuuliza Mheshimiwa Waziri Mkuu:- Sheria Na. 9 ya Mwaka 2010 Sehemu ya 3 Kifungu cha 8 kinaelezea Uanzishwaji wa Baraza la Taifa la Watu wenye Ulemavu na Kifungu cha 13 kinazungumzia vyanzo vya fedha:-

- (a) Je, ni kwa nini Baraza hilo halifanyi kazi kama sheria inavyoelekeza;
- (b) Sehemu ya 3 ya Kifungu cha 14 cha Sheria hiyo kinaeleza juu ya Kamati za Watu wenye Ulemavu kuanzia ngazi ya Kijiji; je, ni kwa nini Kamati hizo mpaka sasa hazijaundwa.

32. MHESHIMIWA MBAROUK SALIM ALI (WETE):

Atamuuliza Mheshimiwa Waziri Mkuu:- Tanzania ni miongoni mwa nchi zilizomo katika Bonde la Ufa pamoja na milima mikubwa, kutokana na hali hiyo upo uwezekano mkubwa wa kutokea kwa matukio kama tetemeko la ardhi mara kwa mara kama ambavyo imeshaanza kutokea na kuleta athari kubwa kwa Taifa:-

Je, Serikali ina mkakati gani iliyojiwekea wa kuzuia au kupunguza athari pale inapotokea.

OFISI YA RAIS (TAMISEMI):

33. MHESHIMIWA RICHARD PHILIP MBOGO (NSIMBO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Nsimbo imekuwa ikipokea Wahamiaji toka Mikoa mbalimbali ambao ni Wakulima na Wafugaji na kusababisha kukosa maeneo yenye rutuba:-

Je, ni lini Serikali itaongeza maeneo ya Vijiji vilivyotangazwa mwaka 1974.

WIZARA YA VIWANDA, BIASHARA NA UWEKEZAJI:

34. MHESHIMIWA EDWARD FRANZ MWALONGO (NJOMBE MJINI):

Atamuuliza Mheshimiwa Waziri wa Viwanda, Biashara na Uwekezaji:- Kumekuwa kukitolewa taarifa juu ya kuanza kazi ya uchimbaji katika Migodi ya Liganga na Mchuchuma:-

(a) Je, ni lini kazi hiyo itaanza;

(b) Je, nini mazao ya migodi hiyo.

WIZARA YA HABARI, UTAMADUNI, SANAA NA MICHEZO:

35. MHESHIMIWA OSCAR RWEGASIRA MUKASA (BIHARAMULO MAGHARIBI):

Atamuuliza Mheshimiwa Waziri wa Habari, Utamaduni, Sanaa na Michezo:- Matumizi yasiyo sahihi ya lugha ya Kiswahili kwenye Vyombo vya Habari hayatoi fursa ya kukua kwa lugha yetu na badala yake yanachangia kurithisha lugha yetu kwa Watoto kwa namna iliyo mbovu; Mathalani, Mtangazaji wa Runinga au Redio anasema “hichi” badala ya hiki au nyimbo hii badala ya “wimbo huu” n.k.:-

Je, Serikali ina mpango gani wa kimkakati wa kuvifanya Vyombo vya Habari kuwa Mawakala wa kulinda usahihi wa lugha ya Kiswahili badala ya kuwa miongoni mwa wabomoaji wa lugha yetu.

WIZARA YA NISHATI NA MADINI:

36. MHESHIMIWA JOHN WEGESA HECHE (TARIME VIJINI):

Atamuuliza Mheshimiwa Waziri wa Nishati na Madini:- Kwa mujibu wa tafiti uchimbaji mdogo ndio unaotoa ajira kwa wingi katika Sekta ya Madini:-

- (a) Je, ni lini Serikali itajenga maeneo maalum kwa ajili ya Wachimbaji wadogo katika eneo la Nyamongo;
- (b) Je, kwa kutokuwatengea Vijana maeneo ya uchimbaji Serikali haioni kuwa inazidisha chuki ya Vijana dhidi ya mgodi wa ACACIA NORTH MARA.

WIZARA YA MAJI NA UMWAGILIAJI:

37. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Maji na Umwagiliaji:- Katika Mto Malagarasi iko miradi mikubwa mitatu ambayo ni mradi wa kutoa maji Mto Malagarasi kwenda katika Vijiji 69 vilivyopo Wilaya ya Urambo, uwekezaji katika kilimo cha umwagiliaji wa miwa na mradi wa uzalishaji wa umeme wa megawati 44.5:-

- (a) Je, Mto Malagarasi una ujazo gani wakati wa Masika na Kiangazi;
- (b) Je, maji ya Mto huo yanatosheleza mahitaji ya miradi hiyo mitatu;
- (c) Je, Serikali imefanya utafiti wa kiufundi kujua Bajeti ya Maji katika Mto huo.

WIZARA YA MALIASILI NA UTALII:

38. MHESHIMIWA HAWA MCHAFU CHAKOMA (VITI MAALUM):

Atamuuliza Mheshimiwa Waziri wa Maliasili na Utalii:- Tarehe 25/10/2016 kituo cha Television cha Mlimani TV kilirusha kipindi cha urithi wetu kilichozungumzia mali kale za Taifa letu na namna ambavyo agizo la Rais wa Awamu ya Nne Mhe. Dkt. Jakaya Kikwete la ufunguzi wa nyayo za Laetoli linavyosuasua kutekelezwa kwa kisingizio cha ukosefu wa Wataalam:-

Je, Serikali ina mkakati gani wa kuajiri Wataalam hao.

WIZARA YA MAMBO YA NDANI YA NCHI:

39. MHESHIMIWA LUCIA MICHAEL MLOWE (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Jeshi la Zimamoto Mkoani Njombe linakabiliwa na ukosefu wa Ofisi pamoja na vitendea kazi hususani magari jambo linalopelekea Jeshi hilo kushindwa kufanya kazi kwa ufanisi:-

Je, ni lini Serikali italipatia Jeshi hilo Ofisi za kudumu pamoja na magari ili liweze kutoa huduma nzuri kwa wananchi.

40. MHESHIMIWA OLIVER DANIEL SEMUGURUKA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Mkoa wa Kagera umezungukwa na nchi za Rwanda, Burundi na Uganda; na mipaka ya nchi hizo imekuwa adhabu kwa Wananchi wa Mkoa wa Kagera kwani hali ya usalama wa raia na mali zao umekuwa mashakani kutokana na kuvamiwa na majambazi toka nje ya Tanzania wakishirikiana na baadhi ya Watanzania wasio na uzalendo kwa Taifa lao:-

Je, Serikali ina mikakati gani ya kuimarisha ulinzi katika mipaka hiyo ili Wananchi wa Mkoa wa Kagera waweze kuishi kwa amani na utulivu.

WIZARA YA UJENZI, UCHUKUZI NA MAWASILIANO:

41. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali kupitia Wakala wa Ufundi wa Mitambo wameahidi kuhamishia kivuko cha MV Kilombero II kwenda katika kivuko cha Kikove katika Mto Kilombero Juu (Mnyera) baada ya kukamilika kwa ujenzi wa daraja la Kilombero:-

Je, ni lini matayarisho ya uhamisho wa kivuko hicho yataanza rasmi kwa kuwa ujenzi huo wa daraja la Kilombero unatarajia kukamilika hivi karibuni.

DODOMA
02 FEBRUARI, 2017

DKT. T. D. KASHILILAH
KATIBU WA BUNGE

